

BEHORIRIKA

Vehivavy nandeha moto voaendaka

Henjana ny resaka fanendahana olona etsy Behoririka sy Soarano amin'izao fotoana. Vehivavy iray nandeha moto no voaendaka teo Behoririka. Nisy fitohanana ny fifamoivoizana, ka teo no nohararao-tan'ireo "ankizy" ny nisintona ny bracelet volafotsy an'ilay vehivavy nitondra moto. Araka ny nambaran'ny voaendaka dia ankizilahy kely eo amin'ny 13 na 14 taona eo ireo mpanendaka. Nanambara ity farany : « tsy ilay zavatra lasa no mampalahelo, enga anie mba hihinanany sakafo soa amantsara, malahelo ve moa tsy alahelo, fa raha naha-



Anisan'ny lasibatry ny mpanendaka koa ny bracelet volafotsy toy izao.

voky azy mianakavy kely dia tsy olona, tsofina rano. Fa... eto izaho dia hanai-

fangalarana dia NOANA (MOSARY) RAMALAGASY. Ka raha mbola midangana sy tsy misy fiovana ny vidim-piainana, raha mbola betsaka ny tsy an'asa dia miomana fa tsy mbola ho tapitra izao trangan-javatra izao. Ka omeo asa ny Malagasy, asaivo mandeha an-tsekoly ny zaza, fa aza arenireny, ary raha misy tratra amin'izy ireny : ny mpanendaka sy ny mpanagalatra dia halefaso any amin'ny toerana lavitra any hanompo fanjakana. Dia samia isika mailo, fa ny ratsy tsy kely lalana amin'izao fotoana izao ».

Stefa

Fitandroana filaminana

Zandary manam-boninahitra 3 hiofana any S n gal

Zandary manamboninahitra miisa 3 mirahalaha handeha handrato fiofanana any S n gal. Fiofanana haharitra herintaona mitondra ny anarana hoe: "Cours d'Application des Officiers de la Gendarmerie (CAOGN)", no hataon' izy ireo any Ouakam S n gal. Marihina fa nisedra fifaninanana izy ireo vao izao afaka hanaraka io fiofanana fanitaram-pahaizana io izao. Nitso-drano azy ireo ny Jeneraly Sekreterampanjakana miadidy ny Zandarimariam-pirenena (SEG), Gell  Serge, ary nanome ireo toromarika sy hafatra ho azy ireo



Ireo zandary 3 mirahalaha nahazo tso-drano tamin'ny SEG.

amin'izao handehananany sabotsy 18 septambra ho any ivelany any izao. Ny avy izao no hanainga izy

Stefa

Tranga

Trano misa 4 indray may tetsy Ankadifotsy



Ny fahamaizna nisy tetsy Ankaadifotsy.

Nisehoana haintrano mahatsiravina tetsy Ankadifotsy, ao amin'ny Boriboritany faha-3 eto Antananarivo Renivohitra omaly. Trano miisa 4 mifanakaiky no indray may nandritra izany. Niezaka namono ny afo ireo mpiray vodirindrina tamin'ireo niharam-boina, sy ny mpamonjy voinan'ny kaominina. Olona roa no voalaza fa tsy hita nandritra izao haintrano izao, izay mety namoy ny ainy noho ity loza izao. Mbola manao ny fanadihadina amin'ny antony nahatonga ny loza ny tompon'andraitra.

Niaina

Taratasin'ny mpamaky

Koragna ampitaina amin'ny gazety manaraka zao ty ! Aoka hazava tsara koragna satria lasa mandiso ny fomba fijery tsy mety satria efa matetiky miverina loatra koragna ty. Miala tsiny @ nar  mgnagno teny fisaorana Mr le Pr sident amin'ny fahavitany lalagna mampitohy Di go-Ramena fa tsisy hidirany io asa fanamboarana lalagna hanagnatiny Commune Urbaine Di go. Fa ny fampandrosoana ny tanana ny Antsiranana manokana dia avy @ fiara miasa misy @ Commune Urbaine de Di go sy Projet PIC II, na Projet PADEV. Zany hoe projet communal le izy fa tsy Projet Pr sidentiel. Io dia fiara miasa vo-

katran'ny fahaizana mitantana ny tompon'ny andraitry ao @ Commune zay vo afaka misitraka ny Projet PIC, na Projet PADEV anisan'ny zegny Commune sy ny R gion maro maro eto Madagascar (Diana, Morondava,...). Donc, mankahery hatrany ary mankasitraka ny Mr le Maire Djaovodjozara satria asa vita no hifampitsarana, efa ho avy koa zao ny Projet PIC III. Hampitapitao... Mankasitraka.

Jho Makoalaha Tanambao Antsiranana

Teny Mandrosoa Ivato vao avotra Vehivavy tratry ny manaramody tany Toamasina

Nidiran'andro amin'ny fitenenana ity ramatoa ity. Mpi-varotra mandehandeha izy io ary tany amin'ny faritr' i Toamasina no tena betsaka naandehananany. Manambady izy io saingy jilajila amin'ny fitenenana, ka nifankatia tamina bezanozano tany an-toerana. Saika hanataka fotsiny anefa no tena tao an-tsainy, saingy ny hanambady azy kosa no tao an-dohan'ilay ranamana. Vao nikasa hody ity vehivavy ity dia narary sy nivonto ny fivaviany ary nivoaka ranon-javatra hafahafa izany. Nitady olona mpanasitrana fa tsy avotra, ka naleony nody haingana taty Antananarivo ary niantso an'i Jessica 0338739541 mpitsabo eny Mandrosoa Ivato. Vao niditra ny trano fitsaboana fotsiny anefa izy dia fantatra ny zava-miafiny. Tratry ny manaramody ianao hoy ity mpitsabo ity ary tsy maintsy karakaraina haingana. Avy hatrany dia nampandroina izy ary nampisotroina rano manokana ihany koa. Avy eo dia notrorina tamin'ny menaka avy any Inde, ka nanomboka teo dia niova ny aretina. Miverena afaka telo andro hoy ity mpitsabo ity, satria mila alana faran'ny lohany ianao. Teo vao niaiky tokoa ilay vehivavy, fa saika maty raha tsy voakaraka vokatry ny fitiavam-bola fotsiny, fa tsy niraharaha ny tokantranony. Menatra tamin'ny vady amanjanany izy, satria nipoitra ny nafenina, saingy efa nifona kosa ary nilaza fa fay tsy hanao intsony. Sitrana izy izao ary milamina tsara ny tokantranon'izy mivady.

Namana

Rugby Tompondakan'i Madagasikara Elite f d ral2

Ho tontosaina amin'ny sabotsy sy alahady izao ny andro 1

Raikitra fa ho tontosaina amin'ny sabotsy 18 sy amin'ny alahady 19 septambra 2021 ho avy izao, ny andro voalohany amin'ny fiadiana ny ho tompondakan'i Madagasikara sokajy "Elite federal 2", amin'ny taranja rugby   XV. Antananarivo sy Mahajanga ary Toamasina no hiara-handray ny fifaninanana amin'izany. Sabotsy 18 septambra 2021 Kianja Makis Andohatapenaka : 09:00-Matadore Anosipatrana # Uscar 2 Commune. 11:00-Fta Anjanahary # Hiza 17 Angarangarana. 13:00-Afa Ankazomanga # Ftam Mandrangobato. 15:00-Ftat Anosibe # Asa Ambohimanarina. Alahady 19 septambra 2021 Kianja " Stade Gradin Mahajanga" : 13:00-Vtma Antsahalovana Tan  # Boeny Mis ma Mahajanga. Kianja " Stade Lyc e Priv  Stella Maris Toamasina" : 15:00-Fbm Bemasoandro Tan  # Atsinanana Rugby Toamasina.

Rainilita



Rugby Elite Federal 2.